

两淮监法志稿

前數再北岸虹橋米業現據各董稟請飭令買賣各行
每石各提錢一文已飭江都縣諭董勸辦如有定議亦
可稍資接濟經署鹽政張樹聲批四岸運商所捐三千
串旣稱力有不繼鎮江現提五業貨釐亦恐可暫不可
常應由該司體察情形或卽在於瓜棧北鹽餘款泰屬
貼通項下每年酌撥錢三千串源源接濟此等地方善
舉能於鹺業中多籌一分他業卽可少派一分虹橋米
釐尤關民食果能通計出入堪以敷衍卽不必算及錙
銖以免劣董奸牙藉端科派嗣於五月運司方濬頤等
詳准江運北鹽係按綱開辦運竣一綱方有一綱餘利

未能以時計之京口義渡所需經費乃額支之款勢難
緩待擬請卽於泰屬貼通盈餘項下每年動撥錢三千
串隨時解交常鎮道轉發支用經鹽政批准

同治十二年十月鹽運使方濬頤稟奉札開據鄂湘西皖
運商朱祥和等稟懇將貢捐撥入釐金項內或將釐金
照數酌減以盈補絀等情到本部堂據此除批查辦貢
經費兵燹以前舊章亦係出自商捐上年疊准內務府
奏催貢品經張署部堂飭司籌議以各局鹽釐撥解部
庫及各項要餉旣無可以騰挪且有礙於造報擬由淮
南北各商分成捐繳極爲公允且貢捐非他項可比各

該商循環辦運多历年所頗沾厚利自應知足踴躍輸將豈容意存推諉惟本年各岸銷數較滯尙係實情前次議捐時係將四貢并計現在

陵貢旣經緩辦解貢盤川等項當有盈餘每年統計約可節省若干候飭運司妥議分別南北請酌量減收等因奉經飭據總局議稱兩淮應進貢品每年約需貢費盤川等項銀八萬三千餘兩係按四貢核計現在

陵貢尙未奉文傳辦此項銀兩似可暫緩徵收分別南北一體核減所有

陵貢項下每年共需銀二萬三百八十六兩四錢擬照原定南

二北一分別酌減淮南西鄂湘平辰各岸原定每引一錢六分擬減三分七釐仍捐銀一錢二分三釐每年約運三十萬引捐銀三萬六千九百兩皖岸原定每引一錢擬減二分三釐仍捐七分七釐每年約運五萬引捐銀三千八百五十兩甯揚各食岸原定每引六分擬減一分四釐仍捐四分六釐每年約運三萬引捐銀一千三百八十兩統計淮南綱食各岸除核減外每年仍實捐銀四萬二千一百三十兩淮北應捐一成原定每引九分三釐六毫擬減二分二釐九毫仍捐七分七毫照現額每年二十九萬六千九百八十二引計仍捐銀二

萬九百九十六兩六錢二分七釐四毫似此分別核減
於貢銀不致短絀於商情稍示體卹正在籌議閒又據
海分司于運判詳據票販順興振等稟請將貢捐銀兩
於已巳新綱開除時按數攤繳等情又經飭令淮南總
局議復去後茲據該局詳稱遵查海分司于運判詳販
等所稟殘引未能劃一請於已巳綱歸入現行額引攤
捐不致偏枯尙屬實在情形似應俯如所請俟核減奉
准後由海分司示諭各商卽照現減銀數在於已巳新
綱開除時隨課併繳以免輻輳至淮南應捐貢銀已於
本年四月初一日起捐現在各岸殘綱均未售清未運

之鹽爲數無多若照現減銀數核收則已捐者似覺偏
枯應請將殘綱未運之鹽仍照原定捐數核收俟各岸
新綱開辦再造減收銀數呈繳俾昭公溥再江甘商人
儲豐裕以從前綱鹽舊章江甘五岸應完外支雜款減
於甯屬食岸籲請照案減捐具稟前來查前定辦貢銀
數各食岸並無區別此次議減未便忽又參差自應仍
與甯屬食岸一律辦理惟食岸舊制江甘五岸應完雜
項科則本與上江有閒此後如有別項捐款應請准照
綱鹽舊章酌量分別核定經鹽政李宗羲批准

光緒二年二月運司方濬頤等稟設局救生焦山兼辦撈

埋拾骨等事上自鎮江得勝門外下至三江營止約計江路六十里總分三局共設八船按段擇要巡泊局需經費田產租息甚微籌撥亦屬無幾向藉米木二捐充用近來金陵木釐減色往往月得銀百餘兩或數十兩尙須與京口救生會分領仙鎮米業移設虹橋一帶稟奉前憲批准就近行收因米行遷移鹽河北岸各行商以仙鎮同業仍應一律抽收當飭委董照案勸諭買賣每石各助一文乃鹽河北岸各行甫有成說月僅收錢數十千文仙鎮則尙未定議每月共計薪水工食及屋租等用約需錢三百餘千文他如撈救賞項添置各物

尙難數計而各船逐年修理且有急應大修者所用尤鉅據委員候選訓導陳任暘冊報就局存錢款不敷二月分開支擬請由司於商捐壩工項下自本年二月分起按月撥錢二百千文由道隨時備文咨領發局按實支用循舊造冊報銷伏乞示遵經鹽政沈葆楨批允

光緒二年四月運司方濬頤稟查司庫雜款從前互有盈絀尙可通融近因無款不絀挹注愈難緝私經費爲委員薪水大宗前兩屆辦理考私外江內河各卡員應支經費由儀棧撥款支放各場會緝委員薪盤由司籌給在緝費項下動撥癸酉乙亥兩科共挪墊錢一萬四千

餘串緝費本已支絀增此挪墊之款所短更多現在委員應領薪水積欠三月急需將考私挪款一萬四千餘串設法籌補以應支給又現在揚州辦理保甲地廣事繁必須增委添勇薪水支款均擬仿照金陵章程較原定量爲增益舊支保甲用款每年九千餘串在善後一成項下開支因歷年收款短絀本已不敷支放尙有應辦修城及繕葺學宮各項工程均須在善後一成支用約較舊時數倍之多司庫無可騰挪之時所有前項緝費及新增保甲經費均須另行籌畫查同治三年初設西鄂招商總局運商每引有應捐局費銀一錢八分嗣

奉檄歸淮南總局運商稟請免繳奉督鹽憲曾批准飭
停時閱十年約計此項免款將及三十餘萬惟目前商
力艱難若照原數復捐未免喫重擬請酌量從減西鄂
二岸每引飭捐銀八分作爲辦公經費湘岸應一律辦
理皖岸擬飭每引捐銀五分統計每年約可收銀二萬
四五千兩有此籌定專款不特考私墊項保甲經費可
以歸補支應卽緝費亦得賴以周轉將來庫儲稍裕仍
可隨時稟請停止經鹽政沈葆楨批允

光緒二年閏五月鄂湘西皖運商乾順泰等稟查緝考私
墊款及新增保甲經費鄂湘西三岸每引捐銀八分皖

岸捐銀五分統於訂單時呈繳業經遵諭按票捐繳特
念從前局費一項因各商辦運續增定牌價並加添駁
費兼倉租住日節節增重成本加多奉曾文正公創定
新章原代商等計算本利是以稟奉批准停收作爲津
貼並有以後不起捐之諭時閱十年繼起各捐有抽捐
一次者如直隸賑荒棉衣捐及黃水工賑均係鉅款而
此外之金山捐義渡捐爲鄰近善舉有長年抽捐者如
貢捐每引捐銀一錢二分三釐儀河每引捐銀三分又
移棧儀徵加場商駁費每引錢三百二十文至善舉則
更有粥捐育嬰諸款皆加在停收局費以後核數奚啻

百數十萬無非勉力遵從均在場完繳若緝私及津貼各費在岸呈繳者鄂岸則每票繳銀一百五十兩西岸則每票繳銀一百二十兩湘岸則每票繳至三百九十兩如在湘潭輪售又加銀四十兩尙有一次之穀捐每票繳過銀二百兩皖岸緝費每票一百二十引亦捐銀十二兩又難民捐二兩廟釐救生局錢一千九百二十文凡此積少成多悉係各商資本查考私經費場商每逢鄉試年分另有按引捐款至兩屆挪墊之項共一萬四千餘串合約銀七千餘兩如數償清一次可止保甲用費本在善後一成項下開支每年九千餘串今卽新

增各用較舊費約加一倍合銀亦只五千餘兩再查舊日鹽法本有辦公經費一款按引呈繳奉曾文正公釐訂新章遂將各項名目一概刪除併入釐金專以餉需爲重俾利盡歸於公而費不糜於下現飭商等遵捐此款似於釐金而外復開舊日名目並每年捐數約抽銀二萬四五千兩似兩項之費無多而逐年所捐實鉅可否准令照捐一次卽行停止經鹽政沈葆楨批此項捐款將來庫儲稍裕仍可隨時停止目前甫經批定卽當勉力贊成

光緒四年三月鄂湘西皖運商怡豐和等稟光緒二年春

閒遵繳緝私保甲經費奉准將來庫儲稍裕隨時停止
兩載以來鄂岸已捐及五綱西湘皖三岸亦經捐及四
綱利息日微疲困日甚轉輸不給匱乏堪虞溯自前年
冬奉派本省工賑鉅款已屬十分竭蹶去歲遵助閩賑
更覺力薄難支續又飭捐晉賑實在商力維艱是以分
成繳扣旋復奉飭籌捐豫省賑荒遂至力盡求免蒙陳
奏明免捐並不責以所難第思晉捐六成欠款現當在
岸在揚照扣照繳不容稍有延緩此外岸扣緝費津貼
等項揚州買鹽時應繳各捐仍復款目叢集爲數甚多
加之近來銀價日低每票資本計需加重三百餘金暗

虧尤甚以幾微之餘息供種種之開支竭蹶情形實更
非前兩年可比而此項緝私保甲經費所捐已鉅約計
歸還前挪墊緝私項下一萬四千餘串早應償清至保
甲原爲地方要舉其用費本有善後一成之款卽應增
添各用以按票所捐之數貼入保甲所加之費當亦有
餘求卽准停止或酌量裁減經鹽政沈葆楨批銀價日
低商本加重自係實情惟揚城爲衝要之區當此饑民
載道萑符不靖嚴保甲正所以戢閭閻仍宜勉力以全
要公至歷年收支各數及前挪緝私項下一萬四千餘
串已未償清候札司查明詳報四月運司歐陽正墉稟

查此項辦公經費原定每引捐收銀五分係爲籌還前
挪緝私項下墊款及保甲經費之用現在保甲一款每
月需銀七百餘兩又錢一千二百餘千文連年銷疲引
滯所收捐項僅敷支應保甲費用所餘無多前挪緝私
之款迄未歸還今將捐收辦公經費历年收支各數開
具清摺呈核光緒二年四月二十二日起至十二月底
止共收銀一萬五千四百七十兩三年正月初一日起
至十二月底止共收銀二萬三千七百三十一兩一錢
三分六釐四年正月初一日起至三月底止共收銀三
千二十二兩以上統共捐銀四萬二千二百二十三兩